

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava Ministarstva zdravstva na poziciji „Kapitalni transferi drugim nivoima vlasti-za zdravstvo“-Izvor 10 Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 6/25 i 17/25), na prijedlog Ministarstva zdravstva, Vlada Zeničko-dobojskog kantona, na 105. sjednici, održanoj 14.11.2025. godine, d o n o s i

O D L U K U

o odobravanju sredstava JU Kantonalna bolnica Zenica za pokriće dijela troškova nabavke medicinske opreme u 2025. godini

Član 1.

(Predmet)

(1) Odobravaju se sredstva JU Kantonalna bolnica Zenica u iznosu od 428.473,62 KM (slovima: četrstotinedvadesetosamhiljadačetristosedamdesettri i 62/100 konvertibilnih maraka) za pokriće dijela troškova nabavke medicinske opreme u 2025. godini – Tomograf električne impedance EIT i anesteziološki aparati (2 komada) za potrebe Odjela anesteziologije, reanimatologije i intenzivnog liječenja.

(2) Odobrena sredstva odnose se na realizaciju Ugovora o nabavci i održavanju medicinske opreme, broj: 30-04-1689/25 od 10.03.2025. godine, koji je zaključen između JU Kantonalna bolnica Zenica i „Diamedic“ d.o.o. Sarajevo.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24 i 12/25) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva odobrena Odlukom će se transferisati na žiro-račun JU Kantonalna bolnica Zenica broj: 1413065320342488 otvoren kod BBI banke, na osnovu Odluke, ugovora i fakture dobavljača.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

Član 4.

(Izveštavanje)

(1) Obavezuje se JU Kantonalna bolnica Zenica da izvijesti Ministarstvo zdravstva o namjenskom utrošku sredstava dostavljanjem dokaza o uplati sredstava dobavljaču.

(2) U slučaju nepostupanja prema članu 4. stav (1) ove odluke, JU Kantonalna bolnica Zenica je dužna odobrena sredstva uplatiti u korist Budžeta Zeničko-dobojskog kantona.

Član 5.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-20519/25
Datum, 14.11.2025. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,
1x JU Kantonalna bolnica Zenica, putem Ministarstva,
1x „Službene novine Zeničko-dobojskog kantona“,
1x a/a.